


**Nunat Aqqinik Aalajangiisartut**  
**ataasinngorneq oktobarip 15-anni 2012-mi**  
**Oqaasileriffimmi ataatsimiinnerat**

**Peqataasut.:** Carl Christian Olsen, Tukummeq Qaavigaq aamma Stephen Heilmann.

**Peqataanngitsoq:** Lotte Holm peqataanngilaq, Abia Abelsen napparsimanini pissutigalugu.

Allatsi: Lisathe Møller Kruse

1. Tikilluaqqusineq
2. Qaanaami nunat aqqi nalunaarsukkat misissorlugillu akuerinissaat, Qasigiannnguit Katersugaasiviata nunat aqqi katersugai, Kangaamiormiullu aviisianneersut nunat aqqi ilanngullugit.
3. Taasariaqartut allat



## 1. pillugu –

Ataatsimiinnerup aallartinnerani Nunat Aqqinik Aalajangiisartunut siulittaasoq CCO tikilluaqqusivoq.

## 2. pillugu –

Qaanaami nunat aqqi nalunaarsukkat Nunat Aqqinik Aalajangiisartunut akuerisassanngortitat Nunat Aqqinik Aalajangiisartunit sammineqarlutillu eqqartorneqarput.

Nunat aqqi akuerisat filimi ima atilimmiipput: Qaanaap eqqaani nunat aqqi akuerisat.xls.


Nunat aqqi nunat aqqinik ilisimasalinnut apeqqutigisassat, taamaattumillu akuerineqanngikkallartut aaku:

- a. **Tarsarnek** tassarnermik isumaqartinneqarnerisooq apeqqutigineqassaaq,
- b. **Tuttu Gletscher** kalaallisut ateqarnerisooq apeqqutigineqassaaq,
- c. **Aggutsit** iml. **Aggutsit Nuuat** suunersut apeqqutigineqassapput, qanorlu isumaqartinneqarnerisut apeqqutigineqassalluni (*Lars Jeremiassenimut iml. Qaarngaaq Nielsenimut*)

Qaanaami nunat aqqi nalunaarsorlugit katersorneqartut ilaat Canadap nunataaniittut Nunavumi Nunat Aqqinik Aalajangiisartunut ingerlatinneqassapput.

Suli Canadap nunataani nunat aterpaalussuinik nalunaarsorneqanngitsunik peqartoq Nunat Aqqinik Aalajangiisartunut ilaasortap Tukummeq Qaavigaq-p oqaatigivaa. Taamaattumik Taatsiannguaq Simigaaq Inukitsorsuaq Sadoranalu taakku pillugit saaffigineqassasut Nunat Aqqinik Aalajangiisartut aalajangerput.

Nunat aqqi Qasigiannguani Katersugaasiviup katersugai atuakkameersut, kiisalu Kangaamiormiut aviisiannit katersukkat akuerineqanngikkallarput. Akuerineqanngikkallarnerinnut pissutaavoq nunat aqqi atuakkanit aviisinillu tigusaaneri. Aatsaallu nunat aqqinik ilisimasalinnut apeqqutigineqareerpata sumiiffissarpiai suussusiilu (genstand) ilisimalereerutsigit akuerineqarumaarput.



**6. pillugu**

Ataatsimiinnissaq tullegg oktobarip 22-anni 2012-imi pissasoq Nunat Aqqinik Aalajagiisartut aalajangerput.

Carl Chr. Olsen  
*Siulittaasoq*

Lisathe Møller Kruse  
*Allatsi*